

姚州志卷之一

督憲岑

易

學憲盧

鑒定

州尊

陸李

正定

貢生甘雨輯

府憲陳

張

天文志

曾

天官家言汗牛充棟其大要所論者如測視推步之

法以及定差置閏之規雲物祲祥之類皆非州郡志

所得而言也惟星野氣候紀於舊乘茲採而輯之彙

爲二篇

星野

氣候

天文志

地理志

禮樂志

職官志

選舉志

100300

星野

天文志之一

周官保章氏辨九州之地所封封域皆有分星以觀妖祥而辨吉凶水旱星野之志不誠重哉夫以十二次分配十二州地至廣也姚州彈丸小邑何星野之足言然天之所覆不遺撮土故郡國諸志莫不首言星野爰採舊乘以著於篇

雲南通志雲南幅員最廣其在西而北屬井鬼姚界蒼洱應合雍屬井鬼

管輅舊州志姚州禹貢梁州之域天文井鬼分野在井

三十度鬼初度之間

州土同知高翫映問愚錄姚安屬柳之一度

附錄管綸姚州星野說星官書無慮數十家俱以井
鬼屬滇南謂近蜀者益州近秦者雍州僧一行亦屬
井鬼而何承天郭守敬劉基皆是其說近見問愚錄
獨以姚安屬柳之一度姑存之以俟博采夫千尋之
木陰蔽數畝而一枝一葉之榮枯與根株相應星野
度數之說其類是乎

論曰分野之說蘇平仲以爲不足據蓋以十二宮

配十二州方位參差廣狹不等似難強合然觀史志所載天象人事往往有相應之機非無據也唐僧一行兩戒四維之說鄭樵袁坤儀輩有取焉但包絡甚廣如必以一州一邑之地強而配之曰屬某宿幾度則泥矣又曰九州十二域有繫之北斗者梁主開陽渙屬梁則姚亦主開陽有繫之五星者熒惑主楚越渙近楚越則姚亦主熒惑此二十八宿分野之外又各有所繫也姑采之以備參考

氣候 天文志之二

二十四氣本循環以無端七十二候自周流而靡間
然嚴凝溫厚戴記區分黑白赤青隋書剖別推之都
廣之日中無景天孫之夜半瞻曦是氣候因地而異
也姚居僻壤自有不同於諸郡者矣

雲南通志 四時和平寒暄不極雲開日暖雨過風涼

姚安府志 冬春多風夏秋多雨夏不大暑冬不大寒夏
日不大長冬日不大短隆冬霜雪頗少盛夏雨水頗

多

論曰滇候記序云十里不同風百里不共雷日月
之陰徑寸而移雨暘之地隔隴而分姚處西南極
鄙四時節氣自與中土攸殊又況溫暑所蒸釀爲
瘴雨毒草之氣醞爲山嵐宜乎丞相渡瀘水有深
入不毛之嗟景山宿金江興煙瘴拍天之詠也

地理志

黃帝畫井分疆奠民攸居物土之宜以布其利而已
至禹貢分紀九州爲地理志之濫觴班志而下諸史
家率而修之降而郡國州縣志亦莫不然蓋一言地
理則繡壤相錯瓜剖豆分而疆域在其中設險守國
申畫郊圻形勢亦在其中推之山峙水流相爲表裏
山川在其中矣民生其間嗜好各異風俗亦在其中
矣茲遵雲南通志例列爲四門以見類聚羣分之意
云

疆域 道里附

形勢

山川

風俗

出此志

疆域地理志之一。道里附

申畫郊圻爲域民計耳故封溝之界不明則廣輪之數難知茲采歷代疆域見於史乘及見在疆域載於舊志者以著於篇庶觀者無轆轤之歎耳

姚州歷代疆域雜採

漢書地理志益州郡弄棟注東

農山母血水出北至三絳南入繩行五百一十里雲

南通志注考三絳在今四川會理州南水北至三絳

南入繩惟大姚河龍川江二水然大姚河實東入繩

非北入繩亦非三絳南則北入繩在三絳南者惟龍

川江耳母血水既爲龍川江則弄棟當兼有今姚州

大姚鎮南定遠各州縣地○唐書南蠻傳姚州境有

永昌蠻居古永昌郡地又白水蠻地與蜻蛉弄棟接

郎州亦隸弄棟西有大勃弄小勃弄二川蠻其西與

黃瓜葉榆西洱河接唐書地理志越巂郡今四川越巂廳屬

南接姚州又宗州今臨安府一說在今南安州北接姚州又縻州

南接姚州舊唐書地理志戎州領羈縻州南接姚州

唐武陵縣主簿石子仁上言姚州在永昌之北越巂

之南東有金沙江之利西接雲南州之勝南襟威楚

北瞰點蒼最爲險要請置都督府於昆明之弄棟川
以治葉榆洱河諸蠻張柬之請罷姚州表姚州古哀
牢之舊國光武季年始請內屬置永昌郡統理之其
國西通大秦南通交趾

以上數則當與
建置沿革參看

未裁府時疆域

陸應陽廣輿記姚安軍民府東界武

定府元謀縣南界楚雄府鎮南州西界大理府雲南
縣北界北勝州

裁府後疆域

一州舊志

姚地在城分九坊無訟坊父慈

坊禮義坊仁義坊讓訓坊孝恭坊宣養坊孝尊坊富

有坊城外分四界東界七十里至火燒屯與定遠縣
交界南界七十里至尖哨與鎮南州交界西界一百
四十里至杉松灣與大理府雲南縣交界正北界二
十五里至後營屯與大姚縣交界又北界四百八十
里至金沙江與永北廳交界三百二十里至古底與
大理府賓川州交界採訪姚在省會之西北雲南縣
之東大姚縣之南定遠縣之西鎮南州之北又廣計
二百二十里輪計九十五里雨案州境惟又北界遠
抵金江不在廣輪之數
論曰今之姚非昔之姚也石子仁所謂永昌之北

越巂之南張柬之所謂西通大秦南通交趾覽古
者時有伏莽之憂焉然或降府爲州或升州爲路
建置屢更幅員數易自裁府歸州以來西北雖遠
抵賓永而東南之境不滿百里思昔之艱以圖今
之易所謂慎固封守者其在斯乎

道里附

州舊志由州城南至楚雄府二百一十里西至大理
府三百九十里東至省會七百里至

京師一萬一千二百里

雨案雲南通志載姚州道里南至鎮南州二百四十二里至楚雄府城三百四十里與州舊志不合今以其說參之蓋姚州之西一百二十里有普湖驛由普湖驛東下九十里至鎮南之沙橋驛由沙橋驛至鎮南州城四十里由鎮南州城至楚雄城九十里沿途設有哨堡鋪司爲傳遞羽書者必由之路是通志所載乃郵傳之孔道州舊志所載乃往來之便道也

附錄府舊志道里說滇通中國自楚莊躋今無從考

其入滇之路然漢武侯渡瀘隋史萬歲討南甯蠻俱自蜻蛉川入唐置都督府而姚州之爲關蜀門戶幾千百年矣何以斧畫遂委之彝卽前明太祖高皇帝關索嶺本非正道之論亦竟付之草莽也金沙固姚